



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Dubium II. An qui cooperatur ad damnum alterius, teneatur ad
restitutionem.

urn:nbn:de:hbz:466:1-42561

D V B I V M I I.

*An, qui cooperantur ad damnum alterius,
teneantur ad restitutionem.*

20 " Resp. Tenentur omnes illi, qui quoquo modo sunt causa influens, & efficax damni securi; ac qui ex officio & obligatione justitiae obligati caverere damnum, non caverunt. Ita communiter Doctores. Unde concludunt, teneri ad restitutionem comprehensos seqq: versibus:

*Iusfrō, consilium, consensus, palpo, recursus,
Participans, mutus, non obstans, non manifestans.*

22 " Patet ex sequentibus Casibus,
" I. Tenetur ad restitutionem mandans , sive
"expresse mandet , sive tacite , dicto nimirum ,
"vel facto; ex quo v.g. famulus colligat, hero gra-
"tum fore , si faciat : non autem tenetur , qui ra-
"tum tantum habet opus suo nomine factum ;
"utī nec mandans , si ante executionem manda-
"tum retractet , idque mandatario innotescat :
"quia tunc non est vera causa. Mol. Less. l. 2. cap.
"13. dub. 3. Fill. t. 32. n. 54.

27 " II. Tenetur item consulens , aut precibus ac
"promissionibus ad damnificationem inducens.
"Quod si tamen ante executionem consilium su-
"um retractet , & quantum potest, contrarium
"suadeat, etsi non persuadeat, probabile est ex-
"cusari à restitutione ; maximè si eum , cui da-
"mnum paratur, moneat, ut caveat, Vide Bon.

¶ Tann. 2. 2. d. 4. q. 6. dub. 14. Sa V. Consilium &c.
Dian. p. 2. t. 16. R. 15. ¶ p. 3. t. 5. R. 83. " "

III. Tenetur item, qui suo consensu, calculo,["]
vel suffragio, est causa efficax damni. *Leff. n. 23.*["]
Fill. c. 3.["]

IV. Item palpo, ut qui laude, adulatio[n]e, vel,["]
exprobratione ignaviæ , aliterve alium ad da-["]
mnum inferendum excitat, animat. *Leff. Fill. l. c.*["]

V. Item qui inferenti damnum præbet recur-["]
sum, illum receptat, illius furta aut instrumenta["]
occultat, ve[re] ea emendo rapinas foveat, &c. *Ib.*["]
Hi enim omnes, uti & is, cui res furtivæ traditæ["]
sunt in custodiam, tenentur (non manifestato["]
fure) restituere domino. Et sic peccare eos, qui["]
à sartoribus emunt fragmenta panni, seu vesti-["]
um, docet *Villalo.* apud *Dian. p. 4. t. 4. R. 176.*["]
licet *ibid. Sanch.* excuset eos, qui ista emunt à sar-["]
toribus magistris , eò quod his plerumque de-["]
trahatur plus à justa mercede quam mereantur["]
ista fragmenta, ideoque licet ea retineant. Ne-["]
que hic à peccato excusari caupones, qui à filiis-["]
familias acceptant pecunias, aliasve res paren-["]
tibus surreptas, notat *Laym. l. 3. t. 2. c. 5. Bo-*["]
nac. &c. Qui verò post delictum ipsum, reum ju-["]
vat ad fugiendum (non concurrendo ad deli-["]
ctum) non tenetur restituere, modò non det illi["]
spem refugii imposterum, tum quia non est cau-["]
sa damni, tum quia reo licet fugere, ut infrà di-["]
cetur. *l. 4. c. 3. d. 7. a. 2.*["]

VI. Item participans de præda, aut quoquo["]
modo cooperans, ut agens excubias , applicans["]
scalas, parans instrumenta , conficiens literas,["]
&c. In bello iniquo tormenta advehens &c.["]
Excusantur tamen (modò actio per se non sit["]

Tom. III.

B

mala)

"mala) qui ea non sponte, sed justo metu coacti
"faciunt; v. g. cum rustici furto a solis militibus
"facto, coguntur eorum prædas avehere, vel
"pecora abigere. *Leff. n. 29.*

41.

"VII. Item tenentur causæ, quæ privativè ad
"damnum alterius concurrunt; nimirum mu-
"stus, sive non clamans, cum potest; aut non ob-
"stantis; non manifestans; sed tunc tantum,
"quando tales ex aliquo pacto, vel officio, vel sti-
"pendio, &c. tenentur ex justitia damnum cave-
"re. *S. Thom. 2. 2. q. 62. a. 7.* Sic Princeps, Magi-
"stratus, belli Dux, tenentur ad restitutionem da-
"mnorum, quæ a feris, latronibus, militibus, ob-
"ipsorum culpabilem negligentiam dantur. Itē
"Consiliarii, Canonici, tacentes, absentantes se,
"non impedientes iniquam constitutionem, vel
"electionem. Item tutores, administratores bo-
"norum, &c. non impedientes damna pupillis,
"Minoribus, Ecclesiis provenientia. Item custo-
"des montium, vinearum, sylvarum, agrorum,
"piscinarum, qui damna non impediunt, vel fa-
"cta non manifestant. *Molin. d. 116. Fill. t. 32.*
"cap. 3. q. 12. V. suprà l. 3. t. 3. cap. 2. d. 4. Item
"Principes & domini Territoriorum, si sciant vi-
"tas publicas infestari prædonibus, &c., cum pos-
"sint, non impedian, tenentur mercatoribus &
"cæteris viatoribus damna, quæ ab istis accipi-
"unt, compensare. *Dian. p. 8. t. 7. R. 38.*

"VIII. Supradicti non tenentur ad restitutio-
"nem, quando non fuerunt causa efficax damni;
"sunt v. g. si fur, homicida, non fuerit efficaciter
"motus mandato, consilio alterius, sed nihilo-
"minus absolutè erat facturus. Item, si v. g. in
"Capitulo alii ante te dederint suffragium, ita ut
videas

videas te nihil impetraturum, et si neges: tunc enim non teneris restituere; licet pecces, pro qualitate damni, addendo tuum, vel mandando, consulendo, &c. Bon. l.c.

IX. Probabile est, non teneri supradictos, si non sit moraliter certum, eorum mandatum, consilium, efficaciter influxisse: quia in dubio melior est conditio possidentis, præsertim circa materiam iustitiae. Less. n. 38. Bon. q. 4. p. 2. Diana p. 3. t. 5. R. 84. Tan. 2. 2. d. 4. q. 6. d. 14.

X. Nec tenentur, si efficaciter tantum currant ad circumstantias, & modum actus damnosi; v. g. si quis tantum impellat alium, ut citius, vel animosius, hoc vel illo loco vel modo noceat, vid. Lay. l. 3. f. 5. t. 2. cap. 5. n. 5.

XI. Nec tenetur, qui deliberatè volenti inferre magnum damnum suadet, ut minus eidem inferat: quia tunc utiliter alterius negotium gerit. Dico eidem: quia non licet impedire damnum unius cum iniuria alterius.

XII. Non tenetur item (contra Nav. Ang. &c.) Confessarius, et si ex officio confessiones audiat, ut Parochus &c. si ex negligentia, vel ignorantia, pœnitentem non moneat aut obliget ad restitutionem: quia et si ex officio teneatur bene instruere pœnitentem, ideoque peccet graviter omittendo, quando est necessarium; non tamen ad hoc tenetur ex obligatione erga tertium, quasi ex justitia debeat ejus damnum cavere aut procurare, ut hoc ei compensetur. Secus tamen dicendum videtur, si positivè restitutionem impediat ex malitia, immo etiam ex ignorantia crassa, vel culpa lata, quia tunc consilio suo est causa efficax damni, vide Less. n. 77. & 78. & Bon. de restit.

restit. d. 1. q. 2. p. 11. Lay. l. 3. t. 4. c. 7. & infrà l.
v. 6. t. 4. c. 2. dub. 5. resp. 3.

ADDENDA.

- 21 *Q. 7.* An movens aut inducens ad damnificandum alteri, restituere teneatur. *R.* Teneri, hinc *Inn.* XI. damnavit hanc 39. prop. *Qui alium movet aut inducit ad inferendum grave datum tertio, non tenetur ad restitutionem istius damni illati:* Notatque *Carden.* in 2. crisi d. 23. n. 130. illum dici movere qui mandat, consilium dat, consentit, adulatur, ideoque causa est, quod inferatur datum, de quibus in seqq. dicetur: de illo autem, qui tantum exemplo suo movet ad datum alteri inferendum aut cum alio concurrit ad datum, videri possunt dicta p. 1. n. 1009. & seqq.
- 22 *Q. 8.* Quid circa mandantem sit addendum. *R.*
Seqq:
- 23 §. 1. Mandans dicitur ille, qui de facto jubet, quamvis de jure careat potestate jubendi: quod si potestatem jubendi habeat & innuat se velle aut cupere, ut fiat, censetur jubere, hinc *L.* 1. ff. *mandati* dicitur, sive *rogo* sive *volo* sive *mando*, sive alio quocumque verbo scripscerit, mandati actio est.
- 24 §. 2. Mandans tenetur etiam ad restitutionem dannorum, quae causantur mandatario, id est, illi, qui mandatum exequitur, nisi forte aliter contraxisset cum illo, v. g. ut faceret pro certa mercede, ita cum aliis *Laym.* lib. 3. t. 2. c. 6. & t. 4. c. 26. à n. 3. & c. 27. n. 2. Ratio est, quia mandatarius sub illa conditione suscipiebat executionem mandati, ut mandans subiret onus, quia ipse erat tantum instrumentum mandantis.
- 25 §. 3. Si revocatio mandati non innotuit mandata-

datario; aut si innotuit, sed per errorem judicata est non fuisse seria; aut si judicata est fuisse quidem seria, sed mandatarius postea invincibiliter illius immemor damnum executus est, mandans tenetur ad restitutionem, quia tum adhuc damnum verè sequitur ex iniusta actione præterita mandantis, *Lugd. d. 19. f. 2.*

§. 4. Mandans non tenetur restituere damna, 26
quæ mandatarius intulit, excedens fines manda-
ti, quando in eius potestate fuit eos fines servare,
ut si mandavit tantum vulnerari, & ipse volens
occidit, ita *Dicast.* Si tamen mandasset occidi Ti-
tium, & mandatarius per errorem occideret Ca-
ium mandans teneretur ad damna ex morte Ca-
ji, quia ex ipsius mandato sequerentur, *Suar. alii-*
que cum *Dian. p. 8. t. 7. R. 33. & p. 11. t. 6. R. 19.*

Q. 9. Quid circa consulentem: R. §. 1. Consu- 27
lens etiam intelligitur ille, qui rogat, hortatur, o-
stendit modum, quo fiat, suggerit motivum fa-
ciendi, promittit aliquid, ut fiat.

§. 2. Si quis dedit simplex consilium, vel nu- 28
dè rogavit aut quasi imperando auctor fuit, ut
inferretur damnum alteri, non sugerendo mo-
dum, quo fieret, nec motivum inferendi, si ille
consilium illud suum revocarit ante damnum
illatum, non tenebitur ad restitutionem, quia si
revocetur, non perseverat moraliter in ordine
ad influendum in tale damnum: è contrà si sug-
ggerit modum, quo damnum nunc inferri pos-
set, aut motivum, quod movere pergit, aut si
dederit consilium utile illi, qui damnum erat
illatus, quamvis ante damnum illatum con-
atus sit consilium suum revocare, tamen tenetur
restituere, etiam in eo casu, quo alter initio acce-

ptare noluisset consilium, dummodo postea motus illo operetur, ita Lugo, Less. I. 2. c. 13. n. 16. Carden. in 2. Crisi d. 23. n. 135. Contra Nav. Medin. Salon. & alios, quorum sententiam Less. dicit etiam esse probabilem. Ratio est, quia modus ille aut motivum aut utilitas suggesta pergunt adhuc movere, ergo consilium manet causa efficax damni. Quod si dedisset consilium falsum vel inutile, & ante damnum illatum ostenderit esse tale, non tenebitur restituere, quia jam desierat tota ratio naotiva, quam habuerat consilium. Vide dicenda n. 56.

29 §. 3. Consulens damnum, quod alter consuluisse, tenetur restituere, uti dicetur n. 49. Quod si quis non primò moveat alterum, sed eum jam motum & nihilominus facturum, etiam suo consilio vel aliter moveat, non tenebitur restituere, uti cum communi Less. n. 4., quia non est causa efficax damni, hæc enim jam antè posita erat, neque damnum sequitur ex vi consilii ipsius, sed hoc consilium est tantum quid consequens.

30 §. 4. Si solum tuum consilium non fuisset ita efficax, ut movisset, movit tamen uti conjunctum cum aliis, teneris restituere, sive alia consilia partialia fuissent sine tuo consilio efficacia sive non, ita Lugo d. 19. n. 8. & 82. Ratio est, quia licet se solo non fuisset, tamen re ipsa in his circumstantiis consilium tuum est causa efficax damni, uti etiam tum fuisset, si nullum ex partialibus consiliis fuisset se solo sufficiens, sed tantum conjunctum. Vide dicenda n. 53. & 71. s. t. 4. d. 3. n. 176.

31 §. 5. Qui fur parato post octo dies furari, suadet furari hodie, tenetur restituere, quia fur in terea potuisset impediri vel mutare voluntatem,
ergo

ergo jam cōsulens est causa efficax damni quo-
ad substantiam, uti recte Molin. d. 736. n. 3., ex-
cusat tamen Lugo n. 15., si non suafit absolutē fu-
rari, sed tantūm circumstantiam temporis, v.g.
quia certō prævidebat post octo dies causandum
esse maius damnum; & consentit *Ills.* n. 186.

§. 6. An & quomodo peccet contra justitiam, 32
ac consequenter teneatur restituere, qui alteri
suadet, ut furetur Petro potius quam Paulo, vel
potius diviti quam pauperi, dictū est l.2. à n. 225.

§. 7. Si fur serio minans mortem petat sibi o- 33
stendi rem alienam, quam vult furari, possum o-
stendere; nec teneor restituere, quamvis addide-
rim, ibi est, accipe, per hoc enim non sum causa da-
nni, quod illatum fuisset, quamvis non dixisse, ut acciperet, ostendere autem poteram ob me-
tum mortis. Quod si jubeat sibi ostendi meum,
& ego ostendam alterius thesaurum, teneor re-
stituere, quia sum causa damni, fur enim non ha-
bebat determinatam voluntatem ad thesaurum
alterius. Si dicat, ostende thesaurum Petri, alio-
quin auferam tuum, possem ostendere thesau-
rum Petri, quia ad hunc habebat determinatam
voluntatem, nec cum tanto damno meo tene-
bar non ostendere, præsertim cum ostensio ha-
beret se indifferenter, secundūm se; & illā positā
tantūm permittam furtum: denique si jubeat o-
stendi omnē thesaurum, possem ostendere alie-
num celato meo, ita *Less.* in auct. v. *Restit. cas.* 7.

Q. 10. Quid circa consentientem & palpantem. R. 34
§. 1. Ille hic dicitur consentiens, cuius consensus
requiritur, ut fiat executio injuriæ; palpans au-
tem dicitur, qui adulatur vel laudat, sicque in-
ducit ad faciendam iniuriam tertio.

35 §. 2. Si consentias, antequam sit posita causa efficax damni, quamvis scias illam sine te adhuc ab alio esse ponendam, nihilominus teneris restituere, v. g. tu scis, etiamsi non consentias, electionem iniustum esse faciendam ab aliis, si tu prius consentias, quam suffragia sufficientia & quidem irrevocabilia sint data, teneris ad damage inde secuta, ita *Lugo* d. 19.n. 19. & ratio dabitur n. 49.

36 §. 3. Si adulatio non sit causa damage, sed vel sequatur post damage, vel tantum inducat latitiam in animum damnificantis, non est obligatio ad restitutionem, quia supponitur damage aliunde causatum; hinc etiam restituere non tenetur, qui rati-habet illud, quod se ignorantie est gestum, *Less. Molin. Vasq. Dian.* p. 4. t. 4. R. 64. Si tamen laus vel adulatio esset causa, cur restitutio non fieret, jam caufaret obligacionem restituendi.

37 Q. 11. *Quid circa illum, qui dat recursum vel participat.* R. §. 1. Qui recipiunt vel præbent recursum injurianti, non tenentur restituere, si per hoc non sint causa damage facti, nec omissæ restitutionis, nec damage iterum faciendi.

38 §. 2. Per participantem intelligitur ille, qui est socius iniustæ acceptationis, ideoque dicitur capere partem illius de cætero qui de re jam erupta participat, tenetur ex re accepta id solummodo restituere, quod accepit.

39 §. 3. Notarius tenetur ad restitutionem, quando conficit instrumentum, ex vi cuius postea petitur usura, quia verè participat & est concausa efficax damage; uti etiam erit, si scribat sententiam aperte iniquam, ex vi cuius facienda sit executio.

§. 4.

§. 4. Si tradas Titio vinum nomine tuo vendendum, sciens Titium admixturum aquam supra morem licitum, vel venditurum minori mensurâ, participas, & teneris ad restitutionem damni ementibus causati, *Sanch. l. 1.c.7.n.37. Lugo d. 18. n. 84. contra Dian.* Ratio est, quia es causa efficax damni, cùm tu sis ille, qui vinum vendit per Titium velut instrumentum.

Q. 12. Quid de muto, non obstante, non manifestante. R. §. 1. Ille hic dicitur mutus, qui ante damnum illatum non monet, non clamat, non impedit; ille dicitur non obstans, qui dum fit damnum, non defendit, non prohibet, non custodit rem; ille dicitur non manifestans, qui post damnum non admonet; non revelat: hi omnes, si non teneantur ex officio vel contractu vel stipendio, peccabunt tantum contra charitatem, si omittant, quando sine incommmodo possent.

§. 2. Si Princeps hic addicat fisco merces Hollandorum, qui vicissim fisco addicant merces Titi huiatis existentes in Hollandia, fieri potest, ut teneatur compensare damna, nam si hoc fecit præcipitanter non tentatâ prius amicâ compositione, aut si illam confiscationem ita occulte fecit, ut rescire non potuerit Titius & sibi cavere, est causa injusta damni, quia non præmonuit, *Less. in auct. V. Restit. cas. 14.*

§. 3. Si scias alium velle tuo nomine damnum inferre & non prohibeas, teneris restituere, si alter sciebat suam voluntatem tibi esse notam, nec illi contradicis, illa enim taciturnitas est approbatio, per quam damnificatio promovetur, *Rebel. Dian. p. 4. t. 4. R. 64. & alii cum filiis. t. 4. d. 3. n. 180.*

44 §. 4. Si Sempronius pravo animo , sed sine
vi vel fraude impedit Titum volentem impe-
dire damnum Caji, peccat quidem Sempronius,
sed non tenetur ad restitutionem faciendam
Cajo, quia non plūs tenetur , quām teneretur
Titius, si malitiosè permisisset damnum Caji, sed
Titius non ideo teneretur ad restitutionem, quia
non peccasset contra iustitiam sed tantū con-
tra charitatem , ergo : ita *Mol. d. 735. n. 4. Less.*
I. z. c. 13. n. 56. Lugo d. 19. n. 101. contra Nav. &
Medin.

45 §. 5. Si fur, ut tu taceas, donet tibi partem rei
furtivæ , teneris hanc restituere , quia non erat
furis, sed eius, cui furatus est : si autem donet ali-
quid de suo , non teneris restituere illi , cui fura-
tus est, quia sine iniustitia potuisti tacere, uti sup-
pono ; nec teneris furi restituere , quia turpe lu-
crum post opus impletum retineri potest , uti
dicetur n. 289. docetque *Lugo n. 104.*

46 §. 6. Si famulus advertat alium famulum vel
domesticum furari ex rebus domini & taceat ,
non tenetur restituere , nisi custodia rei esset ipsi
specialiter commissa , uti communiter tenent o-
mnes apud *Lugo n. 105.* cum *Jlls. n. 187.*; sed si
extraneus furaretur, probabilius est, si taceat, teneri
restituere, quamvis cura rei non sit ipsi specialiter
commissa , uti tenent *Nav. Less. Lugo* & alii con-
tra *Mol. Reb. Bonac.* & alios ; dicitque idem *Lugo* cum aliis in casu, quo aliis famulus vel dome-
sticus furaretur & vellet fugere , quia tum cense-
retur esse velut extraneus ; Ratio autem est, quia
sic habet communis persuasio , estque hoc quasi
de jure Gentium, inquit *Less. n. 75.*, quod cuivis
famulo commissæ sint res sui domini contra in-
jurias extenorū.

§. 7.

§. 7. Si Titius in via adverterit prædones, & 47
 ab occurrentibus interrogatus neget se adver-
 tisse, ideoque hi quasi securi pergent ac spoliem-
 tur, Titius tenetur hæc damna compensare, quia
 fuit iniqua horum causa; quamvis enim ex iusti-
 tia non teneretur manifestare prædones, tamen
 ex iustitia tenebatur non occultare & non indu-
 cere alios per mendacium, ut iter prosequeren-
 tur, quod fecit afferendo nullos prædones esse
 in via, ita *Sylv. in Ref. Cas. p. 2.v. restitutio cas. 1.*

§. 8. Custodes nemorum, qui non deferunt 48
 cædentes ligna, venantes contra prohibitionem
 &c., tenentur compensare damna inde enata do-
 mino nemoris, ita cum aliis *Lugo d. 37. n. 101.*
 Ratio est, quia ex officio & iustitia tenentur de-
 ferre, ad hoc enim sunt conducti; hinc tenentur
 ea damna primo loco compensare, si illi, qui li-
 gna cædunt vel venantur, non teneantur resti-
 tuere, quando nempe leges, quæ ipsis hæc pro-
 hibent, sunt tantum pœnales. Addit tamen *Lugo*
n. 102. non teneri restituere pœnas, quas domi-
 ni accepissent ex illis delationibus, eò quod offi-
 cium illorum non sit locupletare dominos ex lu-
 cro pœnarum, sed tantum conservare res sibi
 commissas, & de hoc plura dicentur à n. 82. Quod
 si custos nemoris acceperit pretium, ut non ac-
 cusaret, non tenetur hoc dare domino nemoris,
 uti rectè *Lugo & Pettsch: pag. 140.*, non enim ap-
 paret, unde oriretur hæc obligatio: & de hoc vi-
 deri potest etiam *Dicast. de Restit: d. 6.d.4.* Itaque
 satisfacit compensando damna in nemore cau-
 sata, v. g. si considerabile damnum fit illatum ar-
 boribus, si feris occisis & deficiente venatione
 minori pretio elogetur aut vendatur nemus.

Quod

Quod autem dictum est de custodibus nemorum, valet etiam de aliis, v. g. de apparitoribus, qui inveniunt noctu gestantes arma contra prohibitionem poenalem; item de illis, qui permittunt defraudari gabellas & telonia: ad quid autem teneantur, qui per mendacium negant propria delicta aut aliena, vel qui per fraudem dissimulant, aut non condemnant ad poenam lege impositam, sicque fiscum privant ejusmodi multâ, dicetur à n. 82.

49 *Q. 14. Ad quid teneatur Cajus, qui est quidem causa damni, tamen quamvis ipse non fuisset causa, idem damnum ab alio fuisset causatum.* *Rq.* Tenetur ad totum compensandum, ita *Caj. Sot. Mol. Vasq. Less.* l. 2. c. 13. n. 2. *Lugo* d. 19. n. 6. *Fls.* t. 4. d. 3. n. 177. aliquique contra *Nav. Silv. Palud.* & alios. Ratio est 1. quia est efficax causa damni illati: 2. Si ipse non teneretur, fieri posset, ut nemo teneretur, quia de unoquoque cooperatore potest esse verum, quod si ipse non intulisset, alter intulisset: itaque sicuti quis alter, qui intulisset, contraxisset obligationem restituendi, ita contraxit *Cajus* reliquos præveniendo. Recte tamen notant *Laym. & Burgh.* cent. 2. cas. 69., eum, qui v. g. tenet scalas, si sine eo subsidio nihilominus à fure illatum fuisset damnum, non teneri ad restitutionem, quia tantum est causa modi, v. g. quod facilius vel celerius furaretur.

50 *Q. 15. Ad quid teneatur, qui est causa damni, non totius, sed tantum majoris.* *Rq.* Tenetur restituere illum tantum excessum, cuius est causa, v. g. qui alicui causaturo damnum 10. aureorum, auctor est, ut causet damnum 15. aureorum, tenetur tantum hos quinque restituere, quia non fuit causa

causa efficax totius damni , sed tantumdamni
horum quinque , quod erat divisibile à danno
reliquorum, ita Mol. d. 736. n. 2. Bonac. de Restit.
d. 1. q. 2. p. 7. Lef. n. 6. Lugo n. 4.

*Q. 16. Ad quid teneatur Confessarius temere de- 51
obligans pénitentem à restituzione. Rz. Hoc resolve-
tur de Pœnit. c. 2. dub. 6.*

*Q. 17. An etiam ille teneatur restituere, qui du-
bitat, an efficaciter sit cooperatus danno. Rz. Hoc di-
cendum n. 574.*

D V B I V M III.

*An supradicti teneantur singuli restituere in
solidum, & quo ordine.*

REsp. Cùm plures damnificantes, vel seorsim⁵²
singuli rem suam agere possint, vel conjun-⁵²
ctim, atque alii aliis plus minusve in damnum⁵²
influere, hinc ex tali ordine & mensura influxus⁵²
ordo & mensura restitutionis desumenda est.⁵²
Ita comm. Doct. Unde resolvet,

I. Si plures absque consensu, quisque per se⁵²
seorsim, & casu concurrant ad damnum, singuli⁵²
non plus tenentur restituere, quàm quod quis-⁵²
que per se damni intulit. Lay. l. 3. tr. 2. c. 6. ⁵²

II. Si plures cum consensu, & invicem juvan-⁵²
tes, id fecerunt, singuli in solidum tenentur re-⁵²
stituere totum damnum, quia singuli sunt cau-⁵²
sa totius damni , cùm unus juvet alterum , &⁵²
procedat ex confidentia, quam habet in auxilio⁵²
aliorum: Unde si unus eorum restitutionem fe-⁵²
cit , potest à reliquis, nimirum à principalium to-⁵²
tum;